

Siunnersuummut oqaaseqaatit

Aalajangersakkanut ataasiakkaanut oqaaseqaatit**Aallaqqaasiut**

Inatsisartut inatsisaannut allanngortitsinissamik siunnersuummik saqqummiussineq Aalisarnermik, Piniarnermik Nunalerinermillu ataatsimiititaliap 2011-imi ukiaanerani ataatsimiinnermi inassuteqaataa tunngavigalugu suliarineqarpoq. Ukiaanerani ataatsimiinnermi immikkoortoq 104-tut suliarineqarpoq isaterinermi tapiissutit tunniunneqarneranni isaterisitsinermi tapiissutaasartut qaffanneqarnissaat. Immikkoortup taassuma oqaluuserineqarnerani aappassaaneerinnittoqarnerani ataatsimiititaliap makku inassutigai:

”Ataatsimiititaliaq Naalakkersuisunut kaammattuivoq, maleruagassat allanngortinneqassasut, taamaalillutik aalisartut angallammik nutaanngitsumik isaterinissamut tapiissutinik qinnuteqaarsimasut immaqalu aalisartut allat peqatigalugit umiatsimik nutaamik pissarsinissamik kissateqartut akuersissutertik pigiinnarsinnaassavaat.”

”Taamaattorli Ataatsimiititaliap isumaqatigiittup peqatigitillugu Naalakkersuisut kaammattorpai pingajussaaneerinninnermi allannguutissatut siunnersuummik saqqummiussissasut, taamaalillutik aalisartut angallammik nutaanngitsumik isaterinissamut tapiissutinik qinnuteqaarsimasut immaqalu aalisartut allat peqatigalugit umiatsimik nutaamik pissarsinissamik kissateqartut akuersissutertik pigiinnarsinnaassallugu.”

Tamanna tunngavigalugu siunnersuummik saqqummiussisoqarpoq inassuteqaammik aallaaveqartumik:

”§ 16a. § 16 imm. 2 atorpeqassanngilaq aalisartut marluk amerlanerilluunniit ataatsimut angallatiminnut isaterinissamut tapiissutinik qinnuteqaateqarsimappata, ilutigalugulu angallamik nutaamik ataatsimik (1) ataatsimoorlutik pissarsiniarnermut tapiissutinik qinnuteqaateqarsimappata.

Imm. 2. Imm. 1-imi angallat nutaaq pineqarpoq angallat nutaavik siornatigut allanit pigineqarnikuunngitsoq.

Stk. 3. Aalajangersagaq una malillugu isaterinissamut tapiissut taamaallaat isaterivinnernut aningaasaliissutigineqartassapput.”

Pingajussaaneerineqarneranut atatillugu ataatsimiititaliap inassutigaa Naalakkersuisut 2012-imi upernaakkut ataatsimiinnissamut atatillugu allannguutissatut siunnersuummik saqqummiussissasut:

”Ataatsimiititaliap siunnersuummik suliarinnissimanera

Ataatsimiititaliap iluarisimaarlugu maluginiarpaa Ataatsimiititaliap allannguutissatut siunnersuuteqqusilluni kaammattuutaa Naalakkersuisut malissimagaat. Ulloq 12. november 2011 Ataatsimiititaliaq allannguutissatut siunnersuummik tigusaqarpoq, taassumalu kinguneraa inatsimmut atuuttumut § 16a nutaaq ilanngunneqarmat.

§ 16a nutaaq pillugu Naalakkersuisut allannguutissatut siunnersuutaat saqqummiunneqartoq Ataatsimiititaliap isummersorfigaa, siunnersuummullu ima oqaaseqassalluni:

Ataatsimiititaliap maluginiarpaa isaterinermut tapiissutinik tunniussinermut tunngavilersuut pingaaruteqartoq tassaasoq angallatit pisoqalisimasut ullutsinnullu naleqqukkunnaartut qaqugumulluunniit aalisarunnaarsinneqarnissaat, taamaaliornikkut aqqissuussaannermik naleqqussaannermut aalisariutillu ikilisarnerannut aalisarnermi pisariqarluinnartumut ilapittuutaassallutik. Taamaattumik angallataatilinnut qaqugumulluunniit aalisarunnaaniartunut taarsiutitut aningaasatigut iluaqutissiissummik inatsimmi ilanngussisoqarpoq.

Siunissami isaterinermut tapiissutinik akilerneqarnermut atatillugu Ataatsimiititaliaq isumaqarpoq aalisarnermut akuersissutip akuersissutillu allat piginnarnissaat periarfissaassasoq. Pingaartumik Ataatsimiititaliaq isumaqarpoq angallatinik mikinerik pigisaqartut arlallit angallataataat isaterneqareerpata kattullutik angallammik nutaamik, anginerusumik imminullu akilersinnaanerusumik pisaarniarneranni tamanna periarfissaasariaqartoq.

Taamaattorli Ataatsimiititaliap kissaatigaattaaq inuup ataatsip angallat nutaanngitsoq isatertikkuniuk kisimiillunilu piginnittutut angallammik nutaamik imminut akilersinnaasumik pisaaruni, aalisarnermut akuersissutip akuersissutillu allat piginnarsinnaanerannut periarfissaq ammaanngitsoq.

Ataatsimiititaliaq isumaqarportaaq angallatip nutaajusup toqqaannartumillu umiarsualiorfimmit nioqquteqartartumilluunniit tunniunneqartussaana pinngitsoorani pisariaqartuusarianganngitsoq. Ataatsimiititaliaq isumaqarpoq tunngaviatigut angallat nutaajussasoq, kisiannili aamma angallammik nutaajunerusumik angallammut nutaalamut ingerlalluartumullu piumasagaatinik naammassinnissimasumik pisaarnissamut periarfissiisoqartariaqartoq. Tamatumunnga atatillugu Ataatsimiititaliaq isumaqarpoq angallatinut nutaajunerusunut siuliani taaneqartutut angallatinut nutaanut naapertuussinnaasunik Naalakkersuisut erseqqinnersunik piumasagaasiortariaqartut, taamaalilluni inatsisip sanioqqunneqarsinnaaneranut siunertaq pinngitsoortinneqarluni.”

”Ataatsimiititaliaq isumaqatigiittoq peqatigitillugu 2012-imi upernaakkut katersuunnermut atatillugu inatsisissatut siunnersuummut Naalakkersuisut allannguutissatut siunnersuummik saqqummiussissasut kaammattuuteqarpoq, tassani angallammik piginnittoq angallatip isaternissaanut tapiissutinik qinnuteqarneranut peqatigitillugu aamma nutsaamut imaluunniit tassunga atatillugu angallammut taamaaqataanut qinnuteqaammik nassiussimappat aalisarnermut akuersissutit allat piginnittumit piginnarneqarsinnaanerat ammaanneqassalluni.”

Naalakkersuisut kissaatigineqartoq taanna naammassiniarsimavaat. Tamanna tunngavigalugu siunnersuummi siullermi imm. 2 peerneqarpoq. Taamaattoq siunnersuut inatsisip siunertaanut aalisarnerup iluani nalimmassaanissamut akerliuvoq. Politikikkut kissaatigineqartut inatsisillu siunertaata oqimaqatigiissinneqarneranni siunnersuummi taamaallaat aallaavigineqarput inatsisip siunertaata sanioqqunneqarsinnaasoq aalisartut marluk imaluunniit amerlanerit kattullutik nutsaamik angallammik pisiniarunik aalisarnermut akuersissut piginnassagaat. Siunnersuut taamaalilluni kisimiilluni isaterisitsinermit atatillugu angallammik nutsaamik pisiniarnermi aalisarsinnaanermut akuersissummik piginniinnarsinnaanermik periarfissiinnigilaq.

Siunnersuuttip pingaarnersai

Malittarisassat atuuttut malillugit isaterisitsinermit tapiissutit tunniunneqarneranni aalisarnermut akuersissutit atorunnaarsinneqartussaapput. Tamatumunnga tunngavigineqarpoq inatsisip suliarineqarnerata aallartilaarneranili kissaatigineqarmat isaterisitsinermit tapiissutit kingunerissagaat aalisarnerup iluani nalimmassaasoqarneranik.

Siunertarineqartoq taamaakkaluartoq, politikikkut kissaatigineqarpoq ataasiakkaanik pisoqartillugu aalisarsinnaanermut akuersissutit pigitinneqaannarnissaa. Kissaatigineqartoq tamanna naammassiniarlugu, aammalu inatsisip siunertaata pillugu, siunnersuut ima oqaasertalerneqarpoq aalisartut aalisarnermit akuersissut piginniinnarsinnaagaat arlaliullutik kattullutik nutsaamik angallatitaarniarnermiinnut atatillugu. Taamatut suliap inerneqarnerata isumagissavaa politikikkut kissaatigineqartut isumagineqarnerat, kisiannili aamma aalisarnerup iluani nalimmassaanermik kinguneqassalluni.

Inatsisissatut siunnersuut inatsimmut atuuttumut naleqqiullugu	
<i>Oqaasertaliunneqartut atuuttut</i>	<i>Inatsisissatut siunnersuut</i>
	§ 1 Aalisarnermut aningaasaliissutinut immikkoortitat pillugit Inatsisartut inatsisaat

	nr. 15 20. november 2006-imeersaq, ilaatigut Inatsisartut inatsisaannit nr. 13 2. december 2009-meersumit aamma Inatsisartut inatsisaannik nr. 22 22. november 2011-imi allanngortinneqartumi imatut allannguisoqarpoq:
<p>§ 16. Tapiissutit akilernerini angallat piviusumik isaterneqassaaq.</p> <p><i>Imm. 2.</i> Isaterinissamut tapiissutit tunniunneqarnerini aalisarsinnaanermut akuersissut aamma inuussutissarsiutigalugu aalisarnernut akuersissutit tamarmik atorunnaassapput. Angallat umiarsuit nalunaarsuiffiannit, aalisariutit pillugit nalunaarsuiffimmit, imaluunniit Angallatit nalunaarsuiffiannit, aamma Aalisarnermut, Piniarnermut Nunalerinermullu Aqutsisoqarfiup inuussutissarsiutigalugu aalisarnermik ingerlatsinissamut akuersissuteqartutut angallatit pillugit nalunaarsuiffianit peerneqassaaq.</p>	<p>1. § 16 imm. 2-p kingorna imm. 3-tut ikkunneqassaaq:</p> <p><i>”Imm. 3.</i> § 16 imm. 2-mi oqaaseqatigiit siulliit atuutissanngillat aalisartut marluk amerlanerilluunniit ataatsimut angallatiminnut isaterinissamut tapiissutiniq qinnuteqaateqarsimappata, ilutigalugulu angallammik nutaamik ataatsimik (1) ataatsimoorlutik pissarsiniarnermut tapiissutiniq qinnuteqaateqarsimappata.</p>
	<p>2. § 16 imm. 3-p kingorna imm. 4-tut ikkunneqassaaq:</p> <p><i>” Imm. 4.</i> Imm. 3 malillugu isaterinissamut tapiissut taamaallaat isaterivinnernut aningaasaliissutigineqartassapput.”</p>
	<p style="text-align: center;">§ 2</p> <p>Inatsisartut inatsisaat atuutilissaaq 1. juli 2012.</p>

Pisortanut aningaasaqarnikkut allaffissornikkullu sunniutissai

Allannguutissatut siunnersuut pisortanut aningaasaqarnikkut allaffissornikkullu kinguneqarnissaa naatsorsuutigineqanngilaq.

Inuussutissarsiortunut aningaasaqarnikkut allaffissornikkullu sunniutissai

Siunnersuutip inuussutissarsiortunut aningaasatigut iluaqutaanissaanik kinguneqarnissaa naatsorsuutigineqarpoq, siunnersuutip kingunerissammagu isaterisitserernerup kingorna aalisarsinnaanermut akuersissutip piginnarsinnaaneranut periarfissaq. Qanoq annertutigisumik aningaasatigut iluaqutaasinnaaneranut apeqqutaavoq aalisakkanut sunut aalisarsinnaanermut akuersissummik peqarneq. Tamaammat oqaatigiuminaappoq qanoq annertutigisumik siunnersuutip iluaqutaanissaa.

Avatangiisitigut pinngortitamut innuttaasullu peqqinnerannut sunniutissai

Siunnersuut naatsorsuutigineqanngilaq avatangiisinut pinngortitamut innuttaasullu peqqinnerannut kinguneqassasoq.

Innuttaasunut sunniutissai

Siunnersuut naatsorsuutigineqanngilaq inuussutissarsiortunut ilaanngitsunut kinguneqassasoq.

Pingaarutilinnik allanik sunniutissai

Siunnersuut naatsorsuutigineqanngilaq taaneqareersuninngaannit allanik sunniuteqassasoq.

Tusarniutigineqarnera:

Siunnersuut KANUKOKA-mut, SIK-mut, Kalaallit Nunaanni Sulisitsisut Peqatigiiffiannut, NUSUKA-mut, KNAPK-mut, Inuussutissarsiornermut Suliffeqarnermullu Naalackersuisoqarfimmut, Peqqinnissamut Naalackersuisoqarfimmut, Nunamut namminermut, Pinngortitamut Avatangiisinullu Naalackersuisoqarfimmut, Aatsitassanut Ikummatissanullu Pisortaqarfimmut aammalu Aningaasaqarnermut Naalackersuisoqarfimmut tusarniutigineqarpoq.

SIK-mit Kalaallit Nunaanni Sulisitsisunillu tusarniummut akissuteqartoqarpoq.

Tusarniummut akissutigineqartut siunnersuummut allannguutissanik kinguneqanngillat.

Inatsisissatut siunnersuummi aalajangersakkanut ataasiakkaanut oqaaseqaatit

§ 1 -mut

Nr. 1-mut.

Imm. 3-mut:

Aalajangersagaq inatsimmi malittarisassani pingaarnermi § 16-imik annikitsumik allannguineruvoq, tassanimi takuneqarsinnaammat isaterinissamut tapiissutinik aningaasaliisoqartillugu akuersissutinik atorunnaarsitsisoqartartoq. Aalajangersagaq aatsaat atorneqartassaaq aalajangersakkami piumasarineqartut tamarmik eqquutinneqarpata.

Nr. 2-mut.

Imm. 4-mut.

§ 15-imi tapiisarnerni tunngavissiat naatsorsuutigalugit aallaavigineqarpoq angallammik piginnittup aalisarnermiit ataavartumik ilaajunnaarnerani aningaasatigut iluaquserneqarnissaa taartisiatut. Pissuseq pineqartoq atorneq ajorpoq aalisartup akuersissut pigiinnarsimagaangagu, taamaalilluni aalisariut/angallat isaterneqarnerani aningaasartuutitut taamaallat tapiissuteqartoqarsinnaavoq.

Aalisariutip/angallatip isaterneranut aningaasartuutit matuneqarnerisigut, kisiannili taakku saniatigut tapiissuteqartoqaqqinnani, qinnuteqartumut isaterineq aningaasartuutaassanngilaq.